

Amra Junuzović – Kaljić
Zastupnik u Skupštini Kantona Sarajevo

Broj: 115/2019
Sarajevo: 29.04.2019.

KANTON SARAJEVO
Vlada Kantona Sarajevo
Skupština Kantona Sarajevo
n/r Predsjedavajući Skupštine Kantona Sarajevo
n/r Sekretar Skupštine Kantona Sarajevo

Predmet: Zastupnička inicijativa za obnovu i rekonstrukciju Spomen - parka Vraca

Poštovani,

u skladu sa članom 106. Poslovnika Skupštine Kantona Sarajevo („Službene novine Kantona Sarajevo“, broj 25/10, 14/11, 19/11, 7/12, 26/12), a u vezi sa utvrđenim Nacrtom budžeta Kantona Sarajevo za 2019. godinu, upućujem zastupničku inicijativu prema Skupštini Kantona Sarajevo:

Zastupnička inicijativa za obnovu i rekonstrukciju Spomen- parka Vraca

O b r a z l o ž e n j e

Spomen – park Vraca je, kao što je poznato, trenutno vrlo zapušten i izvan funkcije. Od okončanja rata do danas svjedočili smo nizu inicijativa za njegovu obnovu i stavljanje u funkciju, ali osim pojedinačnih i sporadičnih intervencija koje su rezultirale obnovom dijelova ovog kompleksa Općina Novo Sarajevo, Grad Sarajevo i Kanton Sarajevo, te drugi nivoi vlasti nisu pronašli sistemsko rješenje za održavanje i upravljanje ovim kompleksom.

Podsjećam da je Vlada Kantona Sarajevo na sjednici održanoj 8.11.2012 godine usvojila Program rekonstrukcije i restauracije Spomen – parka „Vraca“ uz zaključak kojim se od svih nadležnih institucija, između ostalog, traži da osiguraju 24- satnu fizičku zaštitu kako bi se zaustavila daljnja devastacija ovog kompleksa. Ovaj zaključak ni nakon više od šest godina nije proveden.

Također, strategijom razvoja Kantona Sarajevo 2016. – 2020. obavezali smo se da ćemo sanirati Spomen – park Vraca, ali je malo toga je učinjeno. Vrlo važno je napomenuti da su, u proteklom periodu, sredstvima Općine Novo Sarajevo i Kantona Sarajevo finansirani radovi na obnovi dijelova ovog spomeničkog kompleksa, i upravo zbog nepostojanja institucije koja bi bila zadužena za osiguranje, održavanje i upravljanje Spomen – parkom Vraca, obnovljeni dijelovi su ponovo devastirani. Svjedoci smo i aktuelne, velike, akcije čišćenja i uređenja Kantona Sarajevo kojom je obuhvaćen i Spomen – park Vraca, ali ako ne pronađemo dugoročno rješenje za održavanje ovog kompleksa rezultati i ove akcije uskoro će biti nevidljivi, a kompleks će ponovo biti zapušten.

Stoga, predlažem sljedeće zaključke:

1. Zadužuje se Vlada Kantona Sarajevo da pripremi i Skupštini predloži potrebne odluke kako bi Fond Kantona Sarajevo za zaštitu i održavanje grobalja šehida i poginulih boraca, memorijalnih centara i spomen obilježja žrtava genocida preuzeo osiguranje, održavanje i upravljanje Spomen – parkom Vraca.
2. Zadužuje se Vlada Kantona Sarajevo da u budžetu Kantona Sarajevo za 2020. godinu planira sredstva za upošljavanje potrebnog broja izvršilaca u Fondu Kantona Sarajevo za zaštitu i održavanje grobalja šehida i poginulih boraca, memorijalnih centara i spomen obilježja žrtava genocida te ostale potrebe u skladu sa programom ovog Fonda, a kako bi efikasno preuzeo upravljanje ovim kompleksom.
3. Zadužuje se Vlada KS da, u saradnji sa KJKP „Park“ i KJKP „Rad“, osigura održavanje Spomen – parka Vraca do kraja tekuće godine odnosno dok se ne stvore uslovi da Fond Kantona Sarajevo za zaštitu i održavanje grobalja šehida i poginulih boraca, memorijalnih centara i spomen obilježje žrtava genocida preuzme upravljanje cijelim kompleksom.

Ova inicijativa ima za cilj da se Spomen – park Vraca, kao izuzetno vrijedan kulturno – historijski spomenik zaštititi od dalje devastacije, obnovi i stavi u funkciju, a kako bi ponovo postao mjesto memorijala, sjećanja, edukacije, ali i kako bi se iskoristio njegov turistički potencijal. Ne treba zaboraviti da su Vraca, odnosno tvrđava koju su u tom dijelu grada izgradile austro – ugarske vlasti, tokom Drugog svjetskog rata postala stratište na kojem su mučene i ubijene hiljade građana Sarajeva i članova pokreta otpora. Njihova imena ispisana su na zidovima ovog kompleksa u kojem se nalazi i kosturnica svim narodnim herojima iz Sarajeva. Spomen – park Vraca osim kao memorijal na stradanje građana Sarajeva u Drugom svjetskom ratu, predstavlja i jednu od ključnih tački opasade Sarajeva tokom agresije.

Smatram da i ovaj segment treba osvjetliti jer, u tom kontekstu, Vraca postaju mjesto obilježavanja i najduže opsade u modernoj historiji.

S poštovanjem,



Amra Junuzović-Kaljić
Zastupnik u Skupštini Kantona Sarajevo
Nezavisna bosanskohercegovačka lista